


# Kawn Nyawm Yesux Mai Nyiex Buan



Lukax 2:40-52



Illustrations by Sweet Publishing <http://www.sweetpublishing.org>

This work is licensed under the Creative Commons Attribution-ShareAlike 3.0 Unported License.  
To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041

Scripture passages are from the New English Translation.

The introduction and study questions were developed by Michelle Miller and Pang Vilay to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format.

Translated to the Wa language by:

Yex Ka Lin

Ai Sang Awng

Edition : First edition

Date : September, 2015

Wa Scripture passages are from The Holy Bible in Wa (2012)



## Puag Pua Pa Koe Plak Khaix

Yesaux mawh pui pa keh khaing nyiex ma pui ceu yudax.. Nawh ting ka daux veng Nazariet Meung Isarelax (Haktiex Isarelax). Ka daux been pui ceu Yudax, phan kawn simex hoik koe ju 12 num kix koe akhuang (ti hu nyiex buan pa koe ka daux veng Yerusalem) ti hu ka poi pa daux nyiex bwan pa koe daux veng Yerusalem heue. Veng Yerusalem kienie singai khaing veng Nazariet 62 lag haoh heue. Son sang bleeh tan yaox ti lawng krax been ra ngaix haoh , kheu ang koe cag cheu khan kix heue.

*Ka daux been in ex tag sang yaox grawng pa hu Yesux nyiex buan pa koe daux veng Yerusalem bawg liang heue. Been in mawh grawng yam iak Yesux Khrit, pa koe daux phuk lai Sigang Khri tix mu ngie khaing heue.*

*Lox chawk pa lo ti nih nai krai lao tau -  
Maix sax hu krax singai khaing yaong ot maix lie? Mawh dee mawx?. Hu mai pa tix lie? ( Cag cheu, lawx moi, ka caong tix, brung). Maix kie ti viex priex son sang ih hawt krax lie? Mawh priex ceu pa tix?*






<sup>40</sup> Kawn nyawm an haok huan mai ting riang  
ting rao mai naog krax tawng yung, pingnya  
cuyi mai bwanson Siyiex ot ka piang Nawh  
heue.




<sup>41</sup> Miex keeing Nawh Cao hu ka veng  
Yerusaliem ku num, ka poi Pasakha heue.

<sup>42</sup> Yam hoik koe ju Yesux kao ra num, kix haok  
awm hoik sax koe been poi.




<sup>43</sup> Khaix hoik luan ngaix pawie khankix, kiex deeh ing mai kawn nyawm simex pa mawh Yesux, kawn ot plak khaix ka daux veng Yerusalem mai miex keeing Nawah ang tawng grawng an heue. <sup>44a</sup> Viang mawh nan kiex ce Nawah ot ka daux cub pui pa ing kix tau mai kiex ing tix ngaix krax.



<sup>44b</sup> Khaix an kiex sawg Nawh ka sinax puxaik  
paox ceu mai sinax pui paox meed tawng  
kiex,



<sup>45</sup> kheu ang kiex yaox Nawh, kiex deeh hu sawg  
Nawh ka veng Yerusalem heue.



<sup>46</sup> Khaix an loe ngaix kiex yaox Nawh ka  
daux nyiex buan, ngawm sinax sara cao gau,  
nghiet lox kix mai chawk lox ka kix heue.



<sup>47</sup> Kix pa mhong lox Nawn khawmuik daox  
deng ka pa kied tawng Nawn mai lox pa deeh  
chix pawk Nawn heue.




<sup>48</sup> Yam yaox kiex Nawh, kiex daox deng ka mai miex Nawh ah nin ka Nawh, “Kawn eue, yuh ka mawx Maix lai yuh nin ka yiex? Jhak heue, keeing Maix mai aux hoik sawg Maix mai khi rhawm tix heue.”



<sup>49</sup> Nawn Cao ah nin ka kiex, “Kheu pax lai sawg Aux? Ang pax tawng grawng tak lai ot Aux ka daux nyiex Keeing Aux lie?” <sup>50</sup> Kiex ang tawng dee bleeh lox pa krai Nawn ka kiex heue.



<sup>51</sup> Nawh lih hu tau mai kiex, hoek ka veng  
Nazariet, Nawh Cao nghiet lox kiex heue.  
Miex Nawh een ti tawng grawng ceu in  
khankix ka daux rhawm tix heue.



<sup>52</sup> Tokaux Yesux baox haok baox huan, baox ting pingnya mai baox nie khaw rhawm Siyiex mai kawn pui heue.

## **K. Deeh Thawk Theng Ka Been**

1. Ku num, Yosiep mai Marix hu dee mawx? Yam hu Yesux nyiex buan veng Yerusalem bawg liang, Nawh koe ju miex num?
2. Yam hoik ih poi Pasakha, Yesux hu dee mawx?
3. Sivoe sang yaox ka Yesux, Yosiep mai Marix sawg Yesux miex ngaix?
4. Yosiep mai Marix yaox Yesux dee mawx? Nawh huh pa tix tan?
5. pui khankix nghiet lox daox deng pa krai Yesux kheu pa tix?
6. Yam kiex yaox ka Yesux, Marix ah pa tix ka Nawh? Yesux deeh pawk lox Marix huh ka mawx?
7. Yam ting lhaong haok huan Yesux, Nawh mawh kawn nyawm pa huh ka mawx?

## **Kh. Krax Doh Rhawm Ka Been**

1. Khaix hoik poi Pasakha, maix keud Yesux simie tix ot daux nyiex buan kheu jao pa tix?
2. Yam sikah Yesux mai miex keeing tix, Nawh krai nyiex buan mawh nyiex pa huh ka mawx? Keeing Yesux mawh pui mawx?
3. Kheu jao pa tix maix chix ah Yesux koe krax chix tawng, yam sikah Nawh tau mai sara cao gau daux nyiex buan?

## **G. Krax Pa Deeh Shiao Daux Ju Tix Khaing Been**

1. Mawh kheu pa tix ex hu nyiex buan? Pa hu ex nyiex buan pon buanson yuh ka mawx?
2. Mawh kheu pa tix bawg ti blah ex ang haok nyiex buan?
3. Ex pon rieb gau ceu pa tix khaing grawng Yesux ka daux been in?
4. Yam ot Yesux daux nyiex buan, Nawh chawk lox chawk tom nie. Yam in maix simie tix chawk lox chawk tix ceu ceu grawng Yesux (a) grawng phuk lai Sigang Khri lie?

## **Ng. Ceu Pa Rieb Gau Ex Khaing Been In**

1. Yesux tawng Siyiex mawh Keeing Tix mai tawng mawh Siyiex pa ploi ti hoek piang haktiex.
2. Son sang pon yuh paox pie daux nyiex buan Yesux hoik jhi ex yaox daux krax pa caw ti hawt jhaw heue.
3. Ex pon rieb gau ceu pa tix? Koe lox chawk tix ceu ceu lie?